

**ՀԱՅ ԿԱՆԱՆՑ ԴԵՐԸ ՄԻՋՆԱԴԱՐՅԱՆ ՃԱՐՏԱՐԱՊԵՏԱԿԱՆ
ՀՈՒՇԱՐՁԱՆՆԵՐԻ ԿԱՌՈՒՑՄԱՆ ԳՈՐԾՈՒՄ
(IX—XIII ԴԴ.)**

ՌԻՄԱ ԲՈՏԱԶՅԱՆ

Հայկական ճարտարապետական կոթողները, որոնց մի մասն է միայն հասել մեզ, իրենց վեհությունը, գեղեցկությունը և հարուստ լուծումներով այսօր էլ հիացմունք են պատճառում: Հայկական ճարտարապետությունը իր նշանակությամբ վաղուց դուրս է եկել ազգային շրջանակներից և միջազգային ճանաչում ստացել: Եվրոպացի մասնագետների կարծիքով, այն իր ազդեցությունն է թողել մի շարք երկրների ճարտարապետական արվեստի զարգացման վրա¹:

IX—XIII դդ. արգասավոր էին հայկական մշակույթի բոլոր բնագավառների, այդ թվում նաև ճարտարապետության զարգացման համար: Նշված դարերի հայ պատմիչների, ինչպես նաև վիճաբիր արձանագրությունների հավաստի հաղորդումներից տեղեկանում ենք, որ հնամենի մեր կոթողների կառուցման գործում, տղամարդկանց կողքին, նկատելի վաստակ են ունեցել նաև հայ կանայք: Պահպանված տեղեկություններից աներկբա երևում է, որ մանավանդ նշանակալից է եղել նրանց մասնակցությունը պաշտամունքային կառույցների ստեղծմանը: Հայ իշխանուհիներն ու թագուհիները ոչ միայն հսկայական միջոցներ են տրամադրել և կառուցել շքեղ վանքեր ու եկեղեցիներ, այլև նյութական հնարավորություն են ստեղծել դրանց հետագա գործունեության համար: Միջնադարյան պատմիչները բազում փաստերով վկայում են, որ հայ կանայք իրենց միջոցներով գնել են կամ սեփական-ժառանգական կալվածքներից վանքերին են նվիրել բազմաթիվ գյուղեր՝ իրենց շրջակա արոտավայրերով, արտերով, այգիներով, լեռներով ու ջրերով: Նրանք եկեղեցիներին են նվիրել նաև թանկարժեք զարդեր, ոսկյա ու արծաթյա անոթներ, ջահեր, գորգեր, ծածկոցներ ու վարագույրներ²:

Միայն քրիստոնեական մոլեռանդությունը և հայրենասիրական ձգտումը չէին, որ հայ կանանց մղել են կառուցելու շքեղ և փառահեղ եկեղեցիներ ու վանքեր. այս գործում, անկասկած, որոշ դեր են կատարել նաև կանացի փա-

¹ «История СССР», т. 1, М., 1939, стр. 160.

² «Պատմութիւն նահանգին Սիսական արարեալ Ստեփաննոսի Օրբէլեան արքեպիսկոպոսի Սինեաց», Թիֆլիս, 1910, էջ 174, 218—219, 229, 230, 259—260, 291—293, 321, Կիրակոս Գանձակեցի, Պատմութիւն հայոց, աշխատութեամբ Կ. Մելիք-Օհանջանյանի, Երևան, 1961, էջ 84—85, 89, 215—216, «Գիվան հայ վիճաբան», պ. II, կազմեց Ս. Գ. Բարխուդարյան, Երևան, 1960, էջ 51, 66, պ. III, կազմեց Ս. Գ. Բարխուդարյան, Երևան, 1967, էջ 56, 75, 76, 77, 79, 86, 148, 223, Կ. Ղաֆաղարյան, Սանահնի վանքը և նրա արձանագրությունները, Երևան, 1957, էջ 187, 190, նույնի՝ Հաղրատ, Իրեան, 1963, էջ 171, 174, 178:

ռասիրությունը, ապագա սերունդների հիշողության մեջ անմոռաց մնալու միտումը:

IX—XIII դդ. մատենագիրների ստեղծագործություններում, ինչպես նաև կառուցող վարպետների թողած արձանագրություններում, երախտագիտության մեջ հիշատակված են այն կանանց անունները, որոնք իրենց հայրենանվեր գործերով սատարել են ճարտարապետական-շինարարական արվեստի զարգացմանը: Ստեփաննոս Օրբելյանը, օրինակ, թվարկում է մի շարք իշխանուհիների ու թագուհիների, որոնց միջոցներով կամ օժանդակությամբ Սյունիքում բազմաթիվ վանքեր են կառուցվել: Սյունյաց աշխարհում նման առաջին շինությունը Սյունի նշանավոր եկեղեցին է, որ կառուցել է տվել Սյունյաց տիկին Վարազդուխտը՝ հավանաբար VI դ. առաջին կեսին: Պատմագիրը Սյունյաց աշխարհի նշանավոր եկեղեցիների ու վանքերի շարակարգության մեջ, որը տրված է ըստ կարևորության, Տաթևի և Թանահատի վանքից հետո հիշատակված երրորդ վանքի մասին գրում է. «...Սինի վանք, որոյ եկեղեցին չքնաղ և նորակերտ ձևով կանգնեալ քմբէթայարկ խորան երկնանման, ի մեծ բարեպաշտութեան Վարազդուխտոյ՝ Սինեաց տիկնոջէ, յառաջ քան զհայ թուականն, յանուն սրբոյ Լուսաւորչին»:

Պատմագրի այն խոսքերը, թե եկեղեցին կառուցվել է «յառաջ քան զհայ թուականն», չեն վերաբերում ներկայումս կանգուն շինքին: Վերջինս, որ կենտրոնադմբեթ՝ եկեղեցի է, ըստ մասնագետների, հիմնվել է VI դ. վերջերին: Ժողովրդի մեջ պահպանված հիշողության հիման վրա Ս. Օրբելյանը պարզապես կամեցել է շեշտել կառուցչի հիմնադրման հնությունը: Արձանագրությունների մեջ տիկին Վարազդուխտ անունը չի պահպանվել:

Ըստ ավանդության, Ժամանակին Սեանա կղզում եղել է հեթանոսական մեհյան, որը 305 թ. կործանել է տվել Գրիգոր Լուսավորիչը և տեղում կանգնեցրել փայտակերտ մի խաչ: Հայոց իշխանաց իշխան, հետագայում թագավոր Աշոտ Բագրատունու դուստր, Սյունյաց Վասակ Գաբուռ իշխանի կին իշխանուհի Մարիամը գնում է Սեանա կղզի և 874 թ. այնտեղ կառուցում ս. Առաքելոց և ս. Աստվածածին եկեղեցիները: Այդ առթիվ Ս. Օրբելյանի մոտ կարդում ենք. «մեծ թագուհին Մարիամ՝ ամուսին Վասակայ Սինույ, գայ առ սուրբն Մաշտոց. և բազում թախանձանօք ի հաւան ածեալ զնա ձեռն ի գործ արկեալ շինեն զգեղապաճոյճ եկեղեցիսն յանուն սուրբ առաքելոց, և զմիւսն, յանուն տիրուհւոյ Աստուածածնին. և զարդարեալ մեծամեծ սպասուք կանգնեն զնա տուն Աստուծոյ և բնակարան աստուածազգեաց արանց յՅԶԳ թուականին Հայոց»:

Հայոց իշխանաց իշխան Աշոտ Բագրատունին մասնակցում է վանքի բացման արարողությանը՝ նավակատիսին, և վանքին է նվիրում Սեանի ավազանի մի քանի գյուղեր:

Սյունյաց Վասակ իշխանը մահանում է անժամանակ, և ամուսնու հիշատակը հավերժացնելու նպատակով իշխանուհի Մարիամը Սոգք գավառի Շողվազա գյուղի մոտ կառուցում է ս. Պետրոս եկեղեցին: Նա եկեղեցուն է նվիր-

3 Ստեփաննոս Օրբելյան, էջ 338:

4 «Դիվան», պ. II, էջ 85—93:

5 Ստեփաննոս Օրբելյան, էջ 173, 174:

6 Նույն տեղում, էջ 174:

րում Շողվազա (որ գնել էր արաբներից) և Գնեբ գյուղերը՝ Ս. Օրբելյանը, որ անձամբ եղել է այդ եկեղեցում և կարդացել տիկին Մարիամի թողած արձանագրությունը, գրում է. «Դարձեալ՝ սոյն Մարիամ շինէ զմեծապայծառ եկեղեցին ի Շողվազայ յանուն սրբոյ առաքելոյն Պետրոսի. և կարգէ ի նմա կրօնաւորանոց, դասս բազմահոյլ քահանայից՝ վասն հոգեաց տեառն իւրոյ Վասակայ՝ իշխանի Սիւնեաց»⁷:

Ցուսուֆի 909 թ. արշավանքի ժամանակ Սյունյաց իշխաններից շատերը, թշնամու հարձակումներից ահաբեկված, հեռանում են իրենց բնակավայրերից. հեռացողների թվումն էին նաև իշխանուհի Մարիամն ու նրա երկու որդիները՝ Սահակն ու Վասակը: Նրանք նախ ամրանում են Սևանա կղզում, ապա, թշնամուց հետապնդվելով, այնտեղից անցնում են Գարդման և Արցախ: Այնտեղ մահանում է իշխանուհի Մարիամը, որի դին տղաները զմուսում, պահում են, և իրենց նահանգը խաղաղվելուց հետո՝ տանում ու թաղում են Շողվազա գյուղի եկեղեցու բակում. «...Ապա ի ժամ դարձին բերեալ շքեղագոյն պատուով զմայրն իւրեանց, և աշխարհաժողով հանդիսիւ եղին ի հանգրստի մերձ առ ձեռակերտ եկեղեցւոյն իւր ի Շողվազայ»⁸:

IX դ. վերջին քառորդին երկրաշարժից խարխւլվել էր նույն դարի սկզբներին կառուցված Տաթևի ս. Գրիգոր եկեղեցին⁹: Սյունյաց միտրոպոլ տեր Հովհաննեսը որոշում է կառուցել նոր, ավելի մեծ ու շքեղ մի տաճար՝ կաթողիկե եկեղեցի, որը դառնալու էր նահանգի հոգևոր թեմի կենտրոնը: Սակայն Սյունյաց մետրապոլիթյունը միջոցներ չունեն նման խոշոր կառույց ձեռնարկելու: Իր մտահղացման մասին տեր Հովհաննեսը հայտնում է Սյունյաց գահերեց իշխան Աշոտին (վերոհիշյալ Վասակ իշխանի պապի եղբորորդուն), մյուս իշխաններին ու իշխանուհի Շուշանին, որոնք մեծ միջոցներ են տրամադրում, և տեր Հովհաննեսը 895 թ. սկսում է Տաթևի նշանավոր վանքի շինարարությունը: Ս. Օրբելյանը գրում է. «ազդէ և զայս մեծի և գահերէց իշխանին Սիւնեաց Աշոտոյ... և ամուսնոյ նորա երանելի և մեծահաւատ տիկնոջն Շուշանայ, և միւս իշխանին որ ի Գեղամ գաւառի լինէր... որք մեծապէս խրախացեալ՝ աստուածային իմն տեսչութեամբ անդր փութապէս բերեալք լինէին... միաբան, միախորհուրդ ձեռն ի գործ արկանէին և ջանային փութապէս կատարել: Բացեալ լինէին այնուհետև գանձարանք նոցա, և առատապէս ծախեալ ի գործօնեայս շինուածոյն... և աստուածային կամակցութեամբն սկիզբն առնեն շինուածոյն, և արկանեն հիմն յ344 թուականին Հայոց, ի թագաւորութեանն Սմբատայ Բագրատունւոյ խոստովանողի... յիշատակութեան Սիւնեաց Աշոտոյ՝ որդւոյ Փիլիպպէի, ի կաթողիկոսութեանն Հայոց Տեառն Գէորգեայ Գառնեցւոյ»¹⁰:

Նույնն է հաղորդում Պողոս—Պետրոս եկեղեցու պատին փորագրված արձանագրությունը, մի անգամ ևս հավաստելով այն իրողությունը, թե խնդրո առարկա հարցի շուրջը անվանի պատմիչի վկայությունների աղբյուրը հանդիսացել են կառույցների վրա պահպանված արձանագրությունները. «Յամին

⁷ Նույն տեղում, էջ 174:

⁸ Նույն տեղում, էջ 190:

⁹ Նույն տեղում, էջ 314:

¹⁰ Նույն տեղում, էջ 223—224:

յորում թուականն Հայոց ՅԽԴ: էր, եւ զատիկն ի նաւասարդի ի:դ: Ես տէր Յովհաննէս... արարի սկիզբն շինուածոյ եկեղեցւոյ»¹¹:

Տաթևի վանքի կառուցումը տևում է մեկ տասնամյակ: Վեր է խոյանում մի հիսաքանչ տաճար՝ 100 կանգուն (30 մ) բարձրությամբ, 48 կանգուն (14,5 մ) երկարությամբ և 24 կանգուն (ավելի քան 7 մ) լայնությամբ՝ իր օժանդակ հարմարություններով՝ գրդատուն, գործատներ, ամբարանոց և այլն¹²:

906 թ. հանդիսավոր պայմաններում տեղի է ունենում Տաթևի վանքի գըլխավոր՝ Պողոս-Պետրոս եկեղեցու բացումը: Բացման արարողությանը մասնակցում են Հայոց թագավոր Սմբատ Բագրատունին, Հովհաննես Դրասխանակերտցի կաթողիկոսը, Գագիկ Արծրունին, հայ իշխաններ, բարձրաստիճան հոգևորականներ¹³: Ի թիվս շատերի՝ եկեղեցու բացման առիթով նվիրատվություն է կատարում նաև Սյունյաց իշխանուհի Շուշանը. նա վանքին է նվիրում Ծածարդ և Քարատնիս գյուղերը: Իսկ Սյունյաց Բաբգեն իշխանի դուստր Համասպրուհին նվիրում է Հալիս (Հալիձոր) գյուղը և Հալիս գետի ափին գտնվող այգին¹⁴:

895—904 թթ. տեր Հովհաննեսը, հավանաբար նույն անձանց օժանդակությամբ, կառուցում է նաև Տաթևի վանքի նշանավոր գավազան-սյունը՝ 9 Վ բարձրությամբ¹⁵ գեղեցիկ և ճոճվող մի կոթող, որը կանգուն է մինչև օրս։ Վաստակաշատ Ս. Բարխուդարյանի կարծիքով, Պողոս—Պետրոս եկեղեցու վերաբերյալ արձանագրությանն առնթրել մյուս արձանագրությունը հենց այդ կոթողին է վերաբերում. «Շրամանաւ ածապահ տերանց եւ յաւժարութեանք իմոց կրանաւորաց եւ ի նոյն տարւոյ ի յեթներորդ ամսոյս յարաց կանկնեցաւ արձանս»¹⁶։

Հստ Ս. Օրբելյանի՝ Վայոց ձորի ստորոտներում, Հրասեկա բերդի սահմաններում գտնվող Արաստամուխ գյուղի մոտ, վաղուց ի վեր բնակվում էր «խոտակեր ճգնավորների» մի մեծ բազմություն, որի հիմնական բնակատեղին Արաստամուխի մոտ եղած խոտակերաց կամ Քարկոփ կոչվող եկեղեցին էր։ Այդ եկեղեցին արաբական արշավանքների ժամանակ քանդվել էր, և ճգնավորները ստիպված ապաստանում էին փոքրիկ մատուռների մեջ։

Իմանալով այդ մասին, Սյունյաց իշխան Աշոտը վերը հիշատակված տեր Հովհաննեսին հանձնարարում է վերականուցել վանքը, որը և իրականացնում է: Աշոտ իշխանի մահից հետո, IX դ. վերջերին երկրաշարժից քանդվում է նորականուց այդ վանքը ևս: Տեր Հովհաննեսը վանքի ավերման մասին տեղեկացնում է Աշոտ իշխանի կնոջը՝ իշխանուհի Շուշանին: Տիկին Շուշանը, ամուսնու հիշատակը վառ պահելու նպատակով, 910 թ. վերականուցում է վանքի օժանդակ շենքերը և կառուցում Մարիամ Աստվածածին եկեղեցին, որը, պատմիչի ասելով, նախորդից ավելի շքեղ էր:

Պահպանված տեղեկություններից երևում է, որ հիշյալ դարձրում կառուցումների սատարման գործին հայ կանանցից ամենից ակնառու մասնակցություն ունեցողներից մեկը եղել է իշխանուհի Շուշանը՝ Նրա միջոցներով

¹¹ «Դիվան», պ. II, էջ 13:

12 Ստեփաննոս Օրբելլան, էջ 224:

13 նույն տեղում, էջ 234.

¹⁴ Նույն տեղում, էջ 229—230, «Դիվան», պ. II, էջ 51:

15 *U m h t h a n n u O p p h l l a n , 52 225, 313.*

16 «Դիվան», պ. II, էջ 13.

է զարդարվել խոտակերաց վանքը: Շուշանի կառուցած ս. Աստվածածին եկեղեցու բացումը տեղի է ունենում մեծ հանդիսութեամբ, որին հրավիրվում է մասնակցելու կաթողիկոս Հովհաննես Դրասխանակերտցին: Եկեղեցու պատի վրա իշխանուհին թողել է հետեւյալ արձանագրութիւնը. «Նախ և առաջին իսկ լեալ էր վանքն խոտակերաց և վասն զի աւերեալ էր կրօնաւորանոց ուխտս և քաւարանս... ապա տէրն իմ երանելին Աշոտ աշխատութեամբ շինեալ էր զսուրբ եկեղեցիքն... Եւ եղև զի հիմնաշարժ լինելով աւերեցան եկեղեցիքս և իմ տեառն իմոյ Աշոտի կենաց հաղորդ կամելով լինել, (առ ի) նորոգել զիշխատակ նորա փոխելոյն առ Քրիստոս, նոր շինեցի զսուրբ եկեղեցիս կրօնաւորանոց շինուածովք յանուն սրբուհւոյ և միշտ կուսին Մարիամու Աստուածածնին»¹⁷:

Արձանագրութեան շարունակութեան մեջ իշխանուհի Շուշանը գրում է, թե ինքը կառուցել է 5 եկեղեցի. «Ի հինգ եկեղեցիսդ յայդ զոր ես շինեցի մին եկեղեցիդ, որ է աստուածածինդ՝ տն իմոյ Աշոտի եւ յիմ անուն լիցի»¹⁸: Այնուհետև Շուշանն արձանագրել է տվել, թե «այլ ևս ի չորեք եկեղեցիքդ եղիցին որդեկաց իմոց յարեւատութիւն և... Գրեցաւ յիշատակարան կտակիս այս: 800: (910) թուականութեանս Հայոց...»¹⁹:

Հետագա դարերում Քարկոփի կամ խոտակերաց վանքը վերակառուցվել է, համալրվել նոր կառույցներով: Իշխանուհի Շուշանի կառուցած հինգ եկեղեցիներից պահպանվել է միայն մեկը, այն էլ կիսաքանդ վիճակում: Խոսքը Մարիամ Աստվածածին եկեղեցու մասին է, որի վրա էլ, ինչպես նշեցինք, պահպանվել է բերված արձանագրութիւնը²⁰:

Իբրև շինարար հայ մատենագրութեան մեջ իր անունն է թողել նաև Սյունյաց Սմբատ իշխանի կին, Վասպուրականի թագավորութեան հիմնադիր Գագիկ Արծրունու քույր իշխանուհի Սոփիան: Սյունյաց Սմբատ իշխանի (Աշոտ իշխանի ավագ որդին էր, որ հաջորդել էր հորը), նրա կնոջ՝ իշխանուհի Սոփիայի, և եղբոր՝ Սահակի, հրամանով Սյունյաց եպիսկոպոս տեր Հակոբը 929 թ. Եղեգնաձորում կառուցում է շքեղ ու նկարազարդ մի եկեղեցի. «...ի թուականութեանս Հայոց 378... սկիզբն առնէ շինուածոյ հրամանաւ Սմբատայ իշխանի և Սոփիայ կնոջ նորա, և Սահակայ, եղբոր նորին: Եւ կանգնէ ի նմա տուն Աստուծոյ ի քերածոյ վիմաց, և զանազան երանգօք զարդարէ զնա ի նկարս գեղեցիկս...»²¹: Ծավոք, հեղինակը մանրամասն չի նշել կառուցված եկեղեցու տեղը և նրա անունը:

Իշխանուհի Սոփիայի նախաձեռնութեամբ 936 թ. կառուցվում է նաև Գնդեվանքի եկեղեցին: Ս. Օրբելյանի հայտնած տեղեկութեամբ, իշխանուհի Սոփիան ուխտ է գնում Վայոց ձորում ապրող ճգնավորների մոտ, և նրան չափազանց դուր է գալիս Գնդեվանքի տեղը: Տիկին Սոփիայի հրամանով հավաքվում են շնորհալի քարտաշներ ու այլ արհեստավորներ, և սկիզբ է առնում Գնդեվանքի շինարարութիւնը, որի ղեկավարումը իշխանուհին հանձ-

¹⁷ Ս տ ե փ ա ն ն ո ս Օ Ր Բ Ե Լ Ե Մ, էջ 236—237:

¹⁸ «Դիվան», պ. III, էջ 206 (ներդիրք):

¹⁹ Նույն տեղում, Ս տ ե փ ա ն ն ո ս Օ Ր Բ Ե Լ Ե Մ, էջ 238:

²⁰ Հ. Եղիազարյան, Ազիզբեկովի ջրշանի կուլտուրայի հուշարձանները, Երևան, 1955, էջ 29—32, «Դիվան», պ. III, էջ 205—206:

²¹ Ս տ ե փ ա ն ն ո ս Օ Ր Բ Ե Լ Ե Մ, էջ 258:

նարարում է տեր Հակոբին, իսկ նկարագրողման աշխատանքները՝ Եղիշե նկարչին: Տիկին Սոփիան վանքին է նվիրում թանկարժեք սպասք և մոտակայքի երկու գյուղերը, և «կանգնե՛լ զտունն Աստուծոյ և նկարակերտ յօրինուածօք զարդարեն զառաստաղս և զորմունս նորա... Եւ երանելի տիկինն անուանե՛լ զվանսն Գնդեվանք... Եւ այս լինէր ի թուականին Հայոց 385»²², Տիկին Սոփիան Գնդեվանքի ձորում տնկել է տալիս մրգատու ծառեր: Իշխանուհին Գնդեվանքի եկեղեցու պատին թողել է հետևյալ արձանագրութիւնը. «Ես Սոփիա տիկին՝ կին Սմբատայ աստուածապահ տեառն Սիւնեաց, և դուստր Գրիգոր Դերենկի, շինեցի զեկեղեցիս ի յիշատակ հոգւոյ իմոյ և յարեշատու-թիւն իշխանաց իշխանին Սմբատայ և որդեկաց մերոց, և զարդարեցի զսա մեծածախ սպասիւք, և ետու զերկու գիւղս ի ժառանգութիւն մամ...»: Արձա-նագրութիւնը իշխանուհին ավարտում է հետևյալ թեմովոր արտահայտու-թյամբ. «մատանի էր անակն Վայոց ձոր, շինեցի զսա ի եղի ակն ի վերայ»²³: Սույն արձանագրության մի մասը մինչև օրս էլ պահպանվել է կիսականգուն եկեղեցու պատին²⁴: Պահպանվել է նաև Եղիշե նկարչի թողած արձանագրու-թիւնը. «:32: (931) Թ[ուա]կ[ան]իս ես Եղիշա ի:Զ: կա/րգիս առա/ջ արա-րի, առ/աշնորդութեամբ Սարգիս քահանայի, որ կարգա/ք տր. ողորմ/է ասացէք»²⁵:

Մինչ այդ Վայոց ձորում քիչ եկեղեցիներ չէին կառուցվել: Հավանաբար, Գնդեվանքի եկեղեցին իր ճարտարապետական կառուցվածքով և ներքին ու արտաքին հարդարանքով ամենից պերճազարդն է եղել, որ և հիմք է տվել իշխանուհուն հայտնելու, թե մատանի էր անակն Վայոց ձոր, շինեցի զսա ի եղի ակն ի վերայ:

Հետագա դարերում վանքը վերակառուցվել է, պարսպապատվել, ավե-լացել են նոր համալիրներ²⁶, որոնց մեծ մասը դարերի ընթացքում տարերի պատճառներով փոխ է եկել:

Ս. Օրբելյանն ակնածանքով է հիշատակում նաև Սյունիքի թագավո-րության հիմնադիր Սմբատ I-ի (987—998) կնոջը՝ «երանելի Շահան-դուխտ»-ին: Շահանդուխտ թագուհին 1000 թ. ավարտում է «զեղեցկայարմար և զվայելչադիտակ» Վաղուդի²⁷ ս. Ստեփանոս եկեղեցու շինարարութիւնը, որի կառուցումը սկսվել էր դեռևս Սմբատի կենդանության օրոք: Ըստ ավան-դության, այդ եկեղեցու տեղում եղել էր հնում կառուցված ս. Գրիգոր Լուսա-վորիչ եկեղեցին, որը տարիների ընթացքում բնության տարերքից քանդվել էր: Շահանդուխտ թագուհին նույն տեղում կառուցում է նոր եկեղեցի՝ օժան-դակ հարմարութիւններով: Նա թանկարժեք իրերով ու սպասքով զարդարել է տալիս եկեղեցին, պարսպապատում է վանքը, նրան է նվիրում Գոմեր ագա-րակը և բազմաթիվ անդաստաններ Վաղուդիում²⁸, Շահանդուխտի շինարա-րական գործունեության մասին ս. Ստեփանոս եկեղեցու արևմտյան պատի

²² Նույն տեղում, էջ 261:

²³ Նույն տեղում, էջ 261—262, «Դիվան», պ. III, էջ 13:

²⁴ «Դիվան», պ. III, էջ 13:

²⁵ Նույն տեղում, էջ 14:

²⁶ Նույն տեղում, էջ 16:

²⁷ Վաղուդիի վանքը գտնվում է Սիսիանի շրջանի Վաղուդի գյուղից 2 կմ հարավ:

²⁸ Ստեփանոս 0րբելյան, էջ 302:

վրա պահպանված արձանագրությունը հաղորդում է. «Շինեցաւ հրամանով թագաւորին Սնպատա ի ձեռն Շահանդխտո բարեպաշտ [թագուհոյ]»²⁹:

Շինարարական-մեկենասական լայն գործունեություն էր ծավալել Աշոտ III թագավորի տիկինը՝ Խոսրովանույշը: XII դ. պատմագիր Ս. Անեցու հաղորդած ստույգ տեղեկությունների համաձայն, X դ. 60—70-ական թվականներին նա Գուգարքի նահանգի Տաշիրք գավառում մեկը մյուսի հտեկց կառուցում է Սանահնի և Հաղբատի վանքերը³⁰, Ըստ ավանդության, Գրիգոր Լուսավորիչը Սանահնում կանգնեցրել էր խաչ, որը պաշտամունքի առարկա էր վաղ քրիստոնեական շրջանից: X դ. առաջին կեսին, Աբասի գահակալության տարիներին (929—953), Բյուզանդիայի Ռոմանոս կայսրը (920—944) իր կայսրության սահմաններից հեռացնում է հակաքաղկեդոնական հայ հոգևորականներին: Սրանք գալիս են Հայաստան և կառուցում մի շարք եկեղեցիներ, որոնց թվում և Հոռոմոսի նշանավոր վանքը, Դպրեվանքն ու Սանահնի ս. Աստվածածին եկեղեցին³¹, 966—972 թթ. Խոսրովանույշ թագուհու նախաձեռնությամբ, Սանահնի ս. Աստվածածին եկեղեցուց ոչ հեռու, կառուցվում է վանքի գլխավոր տաճարը՝ Ամենափրկիչ եկեղեցին:

Աշոտ III-ի որդի Սմբատ թագավորը, որը 979 թ. ուխտի է եկել Սանահն, հարկ է համարել նույն թվականին թողած արձանագրության մեջ հավերժացնել իր հոր և մոր շինարարական գործունեությունը. «...ես Սմբատ Բագրատունի թագաւոր Հայոց, թոռն տիեզերակալ և մեծ թագաւորին Սմբատայ, որդւոյ թագաւորին Աշոտոյ Ողորմածն կոչեցելոյ, եկի ի տեսութի սբ ուխտիս Սանահնիս, զոր շինեալ էր թագաւորն Աշոտ և Խոսրովանույշ թագուհին՝ հայրն և մայրն իմ, և տեսի զի Ածաշէն և թագաւորաշէն էր, վասն որոյ և սիրեցի, և սիրոյ նըշան արարեալ հաստատեցի զսա աթոռ եպիսկոպոսութե, և սահմանեցի զվիճակ սբ Ածածնիս...»³²:

1063 թ. Տաշիր-Ձորագետի թագավոր Կյուրիկեի (1050—1090) կինը՝ Հրանուշ թագուհին (Դավիթ Անհողիների աղջիկը), Սանահնի վանքում կառուցում է նշխարատուն և ս. Գրիգոր եկեղեցին: Այդ առթիվ ս. Գրիգոր եկեղեցու պատին արձանագրված է. «Ի ՇԺԲ թուին հայոց. ի հայրապետութեանն տեառն Դէոսկորոսի, ի թագաւորութեանն Կիրիկէի եւ Սմբատայ, ես Հրանուշ թագուհի՝ դուստր Դաւթի արքայի, շինեցի զնշխարատունս եւ զեկեղեցիս, եւ հտու զնորաշէնքս ի Սանահնս վասն իմ մեղաց թողութեանն...»³³:

1181 թ. կառուցվել է Ամենափրկիչ եկեղեցու ժամատունը, որի կառուցմանը մասնակցել են նաև Կյուրիկե II (1145—1170) թագավորի դուստրերը՝ Մարիամը, Բորինան, Ռուսուգանը և նրանց մոր՝ Թամարի, հորաքույր Ռուսուգանը: Սրանցից յուրաքանչյուրն իր հիշատակին կանգնեցնել է տվել գավթի կենտրոնական շորս սյուներից մեկը և թողել համապատասխան արձանագրություն: Ահա այդ արձանագրությունները. «Ես Մարիամ Բագրատունի դուստր արքային Կիրիկի մեծաւ յուսով կանգնեցի զսինս զայս եւ հտու գիմ

²⁹ «Դիվան», պ. II, էջ 100:

³⁰ «Սամուէլի քահանայի Անեցույ հավաքմունքի գրոց պատմագրաց», Վաղարշապատ, 1893, էջ 100:

³¹ Կիրակոս Գանձակեցի, էջ 84—85:

³² Կ. Ղաֆադարյան, Սանահնի վանքը..., էջ 190:

³³ Նույն տեղում, էջ 187:

հայրենի սր նշանս մեծածախս պահարանով ի սր Ածածինս, սկեան արծաթի, եւ տաւնացուցակ...»։ «Եւ Բաւրինա, նոյն արքայի դուստր, քոյր Մարիամու կանգնեցի զսինս զայս եւ զիս յիշեցէք ի Քս»։ «Եւ Ըռուսուգան, նմին արքայի դուստր, քոյր Մարիամա, կանգնեցի զսինս՝ լինել ինձ սին լուսո ի կեանս յաւիտենից»։ «Եւ Ռուսուգան, հարաքոր Թամարի, մայր Թագուհեացդ զոինս կանգնեցաք, զմեզ յիշեցէք ի Քս»³⁴։ Հետագա դարերում Սանահնի վանքում կառուցվել են նոր համալիրներ³⁵։

Խոսքովանուշ Թագուհին, Սանահնի վանքից մի քանի կմ հեռավորության վրա, 976 թ. հիմնադրում է Հազարատի վանքի ս. Նշան եկեղեցին, որի կառուցումն ավարտվում է 991 թ. Խոսքովանուշի որդիներ Կյուրիկեի (Գուրգեն) և Սմբատի կողմից³⁶։

XIII դ. սկզբին կառուցվել է Խաթունաշեն ս. Աստվածածին եկեղեցին։ Վերջինիս պատի վրա պահպանված արձանագրության մեջ նշված է, թե եկեղեցին կառուցվել է Խաչենի Դեսոմյանց Հասան իշխանի դուստր Խաթունի միջոցներով. «Կաման Ա(ստուծո)յ շինեցաւ ս(ուր)բ եկեղեցիս արդեամբ Խաթունին [ղստե]ր Հասանայ, յազգէ Դեսոմեանց որ բերաւ ի Խաչենոյ յամուսնութի(ւն) Զաքարիա, որ էր տէր Գագա եւ Տաւշո, Գարդմանա եւ Տէրունականին և այլոց գաւառաց...»³⁷։

1185 թ. Կյուրիկե II Թագավորի դուստր Մարիամը Հաղբատում կառուցում է Կյուրիկյանների տոհմական տապանատունը³⁸։ Մարիամը 1200 և 1212 թթ. իր քույր Ռուսուգանի հետ վերակառուցման աշխատանքներ է կատարել գլխավոր գավթում։ Այդ առթիվ պահպանվել են 1200 և 1212 թթ. գրված նույնաբովանդակ երկու արձանագրություն։ Բերում ենք 1212 թ. արձանագրությունը. «Թվիս ՈԿԱ։ ...ես՝ Մարիամ, դուստր Կիրիկէ արքայի... [եւ] քոյր իմ Ռուսուգան զխորանս շինեցաք եւ զգաւիթս... մեծածախս պահարանաւ եւ զոսկէմած աւետարանս ի ս(ուր)բ Նշանս]... նշանաւ ետու...»³⁹։ Մարիամն է կառուցել նաև Քոբայրի վանքի գլխավոր եկեղեցին։

XIII դ. առաջին կեսին Հաղբատում կառուցվել է գրատուն և սեղանատուն, իսկ 1208—1210 թվականների ընթացքում՝ մեծ ժամատուն⁴⁰։ 1253 թ. կառուցվել է Համազասպի ժամատունը, որի կառուցմանը դրամական օգնություն են տվել Շնահավոր Տփիսեցին (Տփղիսեցին), նրա կին Ռուսուգանը և նրանց որդիները⁴¹։

X—XI դդ. պատմագիր Ս. Տարոնեցին (Ասողիկ) վկայում է, որ 989 թ. Սմբատ II-ը (977—990) ձեռնարկում է Անի քաղաքի մեծ պարսպի⁴², ապա նաև Մայր եկեղեցու շինությունը, որի կառուցումը հանձնարարում է մեծատաղանդ ճարտարապետ Տրդատին, որը մինչև այդ կառուցել էր Արգինայի

34 Նույն տեղում, էջ 114, 115։

35 Նույն տեղում, էջ 31—38։

36 Կ. Ղաֆադարյան, Հաղբատ, էջ 10—13։

37 Նույն տեղում, էջ 220։

38 Նույն տեղում, էջ 157—158։

39 Նույն տեղում, էջ 175—176։

40 Նույն տեղում, էջ 32, 77։

41 Նույն տեղում, էջ 168։

42 Անի քաղաքի փոքր պարիսպը կառուցել էր Աշոտ III-ը։ Տե՛ս «Մեծ ին վարդա-նայ Բարձր բերդեցւոյ Պատմութիւն տիեզերական», Մոսկվա, 1860, էջ 122։

կաթողիկոսարանի եկեղեցին. Ձերկան է հիմն և մեծաշեն եկեղեցուն ի նոյն քաղաքին Անույ ի ձեռն ճարտարապետին Տրդատայ, որ զկաթողիկոսարանին եկեղեցին շինեաց յԱրգինա՝⁴³ Սմբատ II-ը մահանում է վաղաժամ՝ Անիի կաթողիկե եկեղեցու կառույցը իր ավարտին չհասցրած։ Այն շարունակում է Գագիկ II-ի կինը՝ Սյունյաց Վասակ Թագավորի դուստր⁴⁴ Կատրանիդե Թագուհին։ Այդ մասին վկայություն է պահպանվել հայ մի քանի պատմագիր-ների գործերում։ Կ. Գանձակեցու մոտ, օրինակ, կարդում ենք. «Եւ կին նորա (խոսքը Գագիկ II-ի մասին է—Ռ. Բ.) Կատրամիդէ Թագուհի աւարտեաց զկաթողիկէն սուրբ, զոր ոչ կարաց կատարել Սմբատ Թագաւորն»⁴⁵։ Ս. Օրբելյանը գրում է, թե «Թագաւորն Գագիկ փեսայացեալ էր սմին Վասակայ Թագաւորի. և էր Թագուհին Կատրամիդէ դուստր սորա, որ և հանդիսանայր շինութեամբ երկնաճեմ առաքաստին սրբոյ կաթողիկէին»⁴⁶։ Ս. Օրբելյանի մոտ այդ տեղեկությանը հանդիպում ենք նաև այլ աղբյուրով. «...զԿատրամիդէ կին Գագկայ Թագաւորի՝ որդւոյ Աշոտոյ, որ և շինեաց զսխրատեսիլն և զհրաշածե եկեղեցին ի յԱնի զմեծ կաթողիկէն...»⁴⁷։

1010—1011 թթ. ավարտվում է Անիի Մայր տաճարի կառուցումը⁴⁸, որը իր մասշտաբով և ճարտարապետական արժանիքներով մայրաքաղաքի գլխավոր զարդն էր։ Վեր է խոյանում գմբեթավոր, բարձր կամարներով, երկնաման խորանով մի հիսսքանչ եկեղեցի։ Թագուհին այն զարդարում է ոսկե և արծաթե անոթներով, ոսկեթել նկարագործ բանվածքներով և լուսատու ջահերով։ Ասողիկը գրում է. «Այլ կին նորա (Գագիկ I-ի—Ռ. Բ.) Կատրամիդէ Թագուհի բարեպաշտուհի եղեալ, որ էր դուստր Վասակայ Սինեաց իշխանի՝ շինեաց զհիմնարկեալ եկեղեցին Սմբատայ ամենապայծառ վայելութեամբ, բարձրաբերձ կամարօք գմբեթաւորեալ խորան երկնաման, և զարդարեաց ի զարդ ծիրանեծաղիկ, ոսկեթել նկարագործ անկուածոց, արծաթեղէն և ոսկեղէն անօթոց ի բազմապայծառ լուսատու անօթոց վայելութեամբ, որովք ջահանայր ըստ երկնային կամարին կաթողիկէն սուրբ, որ ի քաղաքն Անուոյ»⁴⁹։

Կատրանիդէ Թագուհու կառուցած Մայր տաճարը Անիի ճարտարապետական այն հուշարձաններից է, որ կիսավեր վիճակում կանգուն է մինչև այսօր։

⁴³ Մտեփաննոսի Տարոնեցոյ Ասողկան պատմութիւն տիեզերական, Պետերբուրգ, 1885, էջ 187։

⁴⁴ Հստ Ս. Տարոնեցու և Ս. Օրբելյանի, Կատրանիդե Թագուհին Սյունյաց Վասակ Թագավորի դուստրն էր, ըստ Վարդան Բարձրաբերդցու՝ Սյունյաց Սահակ իշխանի, իսկ ըստ Մատթեոս Ուսայեցու՝ վրաց Գեորգի Թագավորի դուստրը (Ասողիկ, էջ 256, Մտեփաննոս Օրբելյան, էջ 300, Վարդան Բարձրաբերդցի, էջ 123։ Մատթեոս Ուսայեցի, Ժամանակագրութիւն, Վաղարշապատ, 1898, էջ 9)։ Այս տարակարծությունների ստույգ պատասխանը տալիս է կաթողիկե եկեղեցու պատին Թագուհու թողած արձանագրութիւնը. «Ե։ Ն։ Մ։ Թ. Հայոց... ես Կատրանիդե Հայոց Թագուհի, դուստր Վասակայ Սինեաց Թագաւորի... շինեցի զսուրբ կաթողիկէս, զոր էր հիմնադրեալ Մեծին Սմբատա» («Դիվան», պ. 1, Երևան, 1966, էջ 35)։

⁴⁵ Կիրակոս Գանձակեցի, էջ 89։

⁴⁶ Մտեփաննոս Օրբելյան, էջ 303։

⁴⁷ Նույն տեղում, էջ 300։

⁴⁸ Ա. Գ. Աբրահամյան, Ժամանակագրական ճշտումներ («Ճանդես ամսօրեա», Վիեննա, 1976, էջ 152—162)։

⁴⁹ Ասողիկ, էջ 256։

Հստ Ս. Օրբելյանի հայտնած տեղեկությունների, Սյունյաց նահանգի Ձորք գավառում գտնվող Վահանավանքում XI դ. վերջերին շինարարական նշանակալից աշխատանքներ է կատարել Շահանդուխտ թագուհին: XI դ. երկրորդ կեսին, Սյունյաց Գրիգոր թագավորի ժամանակ (1044—1084), Վահանավանքը վերակառուցում են Շահանդուխտ թագուհին, նրա քույր Կայտան և եղբայր Սենեքերիմը (հետագայում Սյունյաց թագավոր): Նրանք կառուցում են ս. Աստվածածին եկեղեցին և հարակից շենքեր, որոնց շինարարությունն ավարտվում է 1086 թ.: «...յաւուրս Գրիգորի՝ թագաւորի Բաղաց, ի Շահանդխտոյ թագուհւոյն և ի Կայտայլ և ի Սենեքերիմայ... բաղում և գեղեցիկ շինուածովք առաւել գեղեցկացուցին զվանսն Վահանու՝ կանգնեալ կամարս մեծամեծս, և ի վերայ՝ եկեղեցիս և սրահս բազմասիւնս բարձրաբերձ, հովանի և խրախարան իշխանացն...»⁵⁰:

Հիշատակված այս շինություններից քչերն են մնացել, այն էլ կիսավեր վիճակում: Կիսավեր վիճակում է նաև Շահանդուխտ թագուհու կառուցած ս. Աստվածածին եկեղեցին, որի ներսի պատին պահպանվել է հետևյալ արձանագրությունը. «Խ: ՇԼԾ: Թվականիս ես՝ Շահանդուխտ, դուստր Սեւադաի Աղվանից թագաւորի եւ ամուսին Գրիգոր թագաւորի որդո Աշոտկա, վասն ոչ գոլո մեր ի միասին ժառանգ ըստ մարմնո, ես և քույրս իմ Կատայս շինեցաք զսր Ածածինս փոխարեն գթոց նորա...»⁵¹: Վահանավանքի եկեղեցու բակում ընկած գեղաքանդակ խաչքարի շրջանակներին փորագրված է. «Թս. ԱՄ ողորմեայ ի քո ի միւս անգամ զալըստեան... մաւր Շահանդխտո... եւ Կատայն»⁵²:

Մատենադրական ստույգ տեղեկություններից հայտնի է, որ Մխիթար Գոշը 1191 թ. ձեռնարկում և 1196 թ. ավարտում է Նոր Գետիկի Մարիամ Աստվածածին հուշակավոր կառույցի շինարարությունը: Այնտեղ կառուցվում են նաև ս. Կարապետի և Գրիգոր Լուսավորչի եկեղեցիները, գավիթ, դպրոց, գրչատուն և կենցաղային օժանդակ շենքեր⁵³: Վանքի համալիրի կառուցմանը մեծապես օժանդակում են Ջաքարե և Իվանե Ջաքարյանները, Հաթերքի տեր Վախթանգ խաչենցին, Քուրդ իշխանի որդիներ Դավիթն ու Սադունը և նրանց քույր, Վախթանգ խաչենցու կին Արզու խաթունը: Վերջինս իր աղջիկների օգնությամբ գործում է նաև մի վարագույր և եկեղեցու օժան հանդիսությունների ժամանակ (1197 թ.) նվիրում վանքին⁵⁴: Պատմագրի ասելով՝ վարագույրը տեսնողները հիանում էին նրանով և «փառք տալիս աստծուն», որ կանանց օժտել է նկարելու այդչափ մեծ կարողությամբ: «Սա բազում ինչ օժանդակ եղև, արար և վարագույր գեղեցիկ՝ դստերօք իւրովք՝ ծածկոյթ սուրբ խորանին, զարմանալի տեսողաց...», գործ քանդակակերպ և նկարեալ պատկերօք, ճշգրտագոյն հանուածովք տնօրինականօք փրկչին և այլ սրբոց, որ հիացուցանէր զտեսողսն: Եւ որք տեսանէին, օրհնութիւն տային աստուծոյ,

50 Մ տ ե փ ա ն ն ո ս Օ Ր Բ Ե Լ Յ ա ն, էջ 241:

51 «Գիվան», պ. II, էջ 138:

52 Նույն տեղում, էջ 138:

53 Կ ի Ր ա կ ո ս Գ ա ն ձ ա կ ե ց ի, էջ 211—217:

54 «Գիվան հայ վիմագրության», պ. VII, կազմեցին Ս. Ա. Ավագյան, Հոմ. Զանփոլագյան, Երևան, 1977, էջ 65:

որ ետ կանանց իմաստութիւն ուստայնանկութեան և հանճար նկարակերտութեան...»⁵⁵։

Հետագայում Արզու խաթունը վարագույրներ է գործում և նվիրում նաև Հաղբատի, Մակարավանքի և Դադի վանքերին⁵⁶։

Աստվածածին եկեղեցու շինութեան արձանագրութեան մեջ Արզու խաթունի ունեցած մասնակցութեան մասին, ի միշի այլոց, ասված է. «Ի Ունջ [ԹՈՒՆ] (1197) ...սկսեալ եկեղեցիս սբ ի Նորո Գետիկ և կատարի յամս Ե... ձեռնատուութ[եամ]ր բարեպաշտ իշխանի Վախտանգա և նորին զուգակցի՝ Արզու խաթունի...»⁵⁷։

Պատմական Արցախի նշանավոր համալիրներից է Դադի վանքը կամ Խութավանք⁵⁸, որտեղ XIII դ. սկզբին շինարարական մեծ աշխատանք է կատարել Վախթանգ իշխանի կինը՝ վերոհիշյալ Արզու խաթունը։ 1214 թ. նա կառուցում է կենտրոնադարձ եկեղեցի և սյունազարդ սրահով գավիթ։ Հետագայում այնտեղ ավելացել են նոր համալիրներ⁵⁹։

Մոնղոլական արշավանքների տարիներին հայ իշխաններից ոմանք կարողացան ծավալել շինարարական նշանակալից աշխատանքներ։ Հիշատակութեան արժանի են Խաչենի ավագ իշխան Հասան Զալալը (Զաքարիի և Իվանեի քրոջ որդին էր) և նրա ընթերցասեր կինը՝ իշխանուհի Մամբան։ Կ. Գանձակեցու վկայությամբ, 1233 թ. նրանք ավարտում են Գանձասարի նշանավոր եկեղեցու և նրա հրաշալի գավթի շինարարությունը⁶⁰։

Մատենագրական տեղեկություններից և վիճագիր արձանագրություններից պարզվում է, որ միջնադարի հայ կանայք իրենց լուծան ներդրել են նաև քաղաքացիական բնույթի շինարարության մեջ։ Նրանք կառուցել են տվել գեղեցիկ ապարանքներ, կամուրջներ, հիմնել են մի շարք գյուղեր։

Զաքարի և Իվանե Զաքարյանների քույրերից Վանենին, որն ամուսնացած էր Կյուրիկե II թագավորի որդի Աբաս I-ի (1170—1176) հետ, ամուսնու մահից հետո՝ 1192 թ., Դեբեդ գետի վրա կառուցում է Սանահնի նշանավոր կամուրջը՝ ի հիշատակ անժամանակ մահացած իր ամուսնու⁶¹։ Սանահնի կամուրջի մոտ, խաչքարի վրա, այդ կառույցի մասին արձանագրված է. «...Ես՝ Վանենի, դուստր իշխանաց իշխանն Սարգսի, որդո Զաքարէի, կին Աբասա թագաւորի, որ կիսաւրե վախճանեալ խաւարեցոյց զմեզ, շինեցի զկամուրջս եւ կանգնեցի զխաչս յիշատակ նմա եւ մխիթար ինձ եւ ի կեանս ծնողաց եւ եղբարց իմոց։ Յիշեցէք ի Քս Յս»⁶²։ Այդ կամուրջն այժմ էլ կա և մասնագետների կարծիքով ճարտարապետական մի բարդ կառույց է։

Տիկին Վանենին կառուցել է նաև պարիսպ՝ Հովհաննավանքի շուրջը։

Համաձայն Սյունյաց նահանգի պատմագրի տեղեկությունների՝ Վայոց ձորի Գնդեվանքին նվիրած Գնդեվանս գյուղը 936 թ. նույն ինքը՝ Սյունյաց

⁵⁵ Կ ի Ր ա կ ո ս Գ ա ն ձ ա կ ե ց ի, էջ 215։

⁵⁶ Նույն տեղում, էջ 216։

⁵⁷ «Դիվան», պ. VII, էջ 65։

⁵⁸ Նույն տեղում, էջ 89։

⁵⁹ Բ. Ուլուբաբյան, Դադի կամ Խութավանք, «Էջմիածին», 1971, № 6, էջ 62—72։

⁶⁰ Նույն տեղում, տե՛ս նաև Կ ի Ր ա կ ո ս Գ ա ն ձ ա կ ե ց ի, էջ 270։

⁶¹ Կ. Ղ ա ֆ ա դ ա Ր յ ա ն, Սանահնի վանքը..., էջ 185։

⁶² Նույն տեղում։

իշխանուհի Սոփիան էր հիմնադրել⁶³, իսկ Հարանգ գավառի Տեղ գյուղը՝ թագուհի Շահանգուխտը: Սյունյաց առաջին թագավոր Սմրատի մահից հետո Շահանգուխտն այդ գյուղը 998 թ. նվիրեց Տաթևի վանքին⁶⁴, 1107 թ. Սյունյաց նահանգի Վերին Շեն գյուղում (ավերակները գտնվում են Գորիսի մոտ) Մխիթարը և նրա կին Զանազանը կառուցել են մի գեղեցիկ ապարանք և ապարանքի մուտքի կամարի վրա թողել հետևյալ արձանագրությունը. «Կաման այս ես Պինեաթի որդի Մխիթարս եւ կենակիցն իմ Զանազանն շինեի տրինք զայս սմարաթս ի վայելումն որդոյ մերոյ Ղարախանին: Թվին : ՈՃէ:»⁶⁵:

Պահպանված վիմական արձանագրությունները վկայում են, որ XII դ. վերջերին Անիի Սմրատյան պարիսպների վերականգնմանը և աշարակների շինությանը մասնակցել են քաղաքի ընկերիչները, այդ թվում և կանայք՝ Մամախաթունը, Շանուշը, Մամշահը: Հանձն տոնելով առանձին պարսպամասերի վերաշինությունը, նրանք իրավունք են ստացել այդ մասին թողնել համապատասխան արձանագրություն⁶⁶:

Այսպիսով, մատենագրական վերոհիշյալ փաստերը և վիմագիր արձանագրություններն աներկրա վկայում են, որ միջնադարի հայ կանայք իրենց համեստ լուծան են ներգրել նաև ճարտարապետական կառույցների ստեղծման գործում: Նրանք եկեղեցիներն ու վանքերը հիմնականում կառուցել են հայրենասիրական նկատառումներով՝ քաջ գիտակցելով գրանց դերը հայ ժողովրդի մտավոր մշակույթի զարգացման բնագավառում: Նրանց կառուցած վանքերից շատերը հետագայում զարձակ են ուսումնակրթական և գրչության արվեստի նշանավոր կենտրոններ և նպաստել հայկական մշակույթի զարգացմանը:

РОЛЬ АРМЯНСКИХ ЖЕНЩИН В СТРОИТЕЛЬСТВЕ СРЕДНЕВЕКОВЫХ АРХИТЕКТУРНЫХ ПАМЯТНИКОВ (IX—XIII вв.)

РИМА БОЯДЖЯН

Резюме

В IX—XIII вв. армянская архитектура переживала период значительного расцвета. По свидетельству армянских историков Ст. Орбеляна, Ст. Таронечи, К. Гандзакеци, С. Анеци и др., а также по достоверным данным лапидарных надписей наряду с мужчинами в строительстве архитектурных памятников Армении значительную роль сыграли и армянские женщины. Заметно их участие в воздвижении таких известных памятников архитектуры, как Татевский, Гандзасарский, Нор Гетикский, Севанский, Ахпат-Санаинский монастырские комплексы, а также многих других сооружений в древнеармянских областях — Арцах, Сюник, Содк, Гегаркуник, Вайоц-дзор и др.

⁶³ Սահփաննոս Օրբելյան, էջ 261:

⁶⁴ Նույն աեղում, էջ 291—292, «Դիվան», պ. II, էջ 66:

⁶⁵ «Դիվան», պ. II, էջ 77:

⁶⁶ И. А. Орбели, Избранные труды, Ереван, 1963, стр. 114.